



JUL 09 2010

MEMORANDUM PANGKAGAWARAN
Blg. **309**, s. 2010

BUWAN NG WIKANG PAMBANSA 2010

Sa mga: Direktor ng Kawanihan
Direktor ng mga Rehiyon
Tagapamanihala ng mga Paaralan
Puno/Pinuno ng mga Publiko at Pribadong Paaralan

1. Bilang pag-alinsunod sa itinakda ng Proklamasyon Blg. 1041, s. 1997 na nagpapahayag ng taunang pagdiriwang ng Buwan ng Wikang Pambansa tuwing Agosto 1-31, pangungunahan ng Komisyon sa Wikang Filipino (KWF) ang mga programa kaugnay nito. Ang paksang-diwa sa kasalukuyang taon ay "*Sa Pangangalaga sa Wika at Kalikasan, Wagas na Pagmamahal Talagang Kailangan*".

2. Layunin ng pagdiriwang na ito na:


- a. maisakatuparan ang mga tungkulin ng KWF ayon sa itinakda ng Seksiyon XIV, Letrang L ng Batas Republika 7104;
- b. ganap na maipatupad ang Proklamasyon Blg. 1041 ng Pangulo ng Pilipinas;
- c. maipamalas sa kasaysayan nito, at ang papel na ginagampanan nito sa pangangalaga ng kalikasan;
- d. ganyakin ang mamamayang Pilipino na makilahok sa patimpalak sa pagsulat ng sanaysay sa wikang Filipino kaugnay ng pangangalaga sa kalikasan; at
- e. makapagdaos ng komperensiyang pangwika hinggil sa pagsasapanahon ng mga kaalamang pangwika.

3. Hinati sa limang lingguhang paksa ang isyung buwanang pagdiriwang:

Petsa	Paksa
Agosto 1-7	Wika'y Kailangan sa Pandaigdigang Impormasyon sa Pangangalaga sa Kalikasan
Agosto 8-14	Wika'y Instrumento sa Pagpapalaganap ng Kamalayan sa Pagbabago ng Kalikasan
Agosto 15-21	Wika'y Mabisang Susi sa Edukasyong Pangkalikasan
Agosto 22-28	Ang Pagpapahalaga sa Wika at Pangangalaga sa Kalikasan ay Pagmamahal sa Inang Bayan
Agosto 29-31	Wika't Kalikasan Mahalin at Pangalagaan, Biyaya ng Poong Maykapal sa Bayan



4. Kalakip nito ang mungkahing Palatuntunan ng mga Gawain para sa isang buwang pagdiriwang.
5. Hinihiling ang maaga at malawakang pagpapalaganap ng Memorandum na ito.



BR. ARMIN A. LUISTRO FSC
Secretary

Kalakip:
Gaya ng nasasaad

Sanggunian:
Memorandum Pangkagawaran Blg. 295, s. 2009

Ilalagay sa Palagiang Talatuntunan
sa ilalim ng mga sumusunod na paksa:

CELEBRATIONS & FESTIVALS
Learning Area, FILIPINO

R: sally - buwan ng wikang pambansa 2010
Hunyo 28, 2010

(Kalakip sa Memorandum Pangkagawaran Blg. 309, s. 2010)

PALATUNTUNAN NG MGA GAWAIN BUWAN NG WIKANG PAMBANSA 2010

Agosto 1-7 Wika'y Kailangan sa Pandaigdigang Impormasyon sa Pangangalaga ng Kalikasan

1. Pagdaraos ng Seminar-Worksyp sa lahat ng mga kinauukulan sa pagtalakay sa pangangalaga ng kalikasan na wikang Filipino ang gamit para sa epektibong talakayan.
2. Pagdaraos ng mga diyalog sa pangunguna ng mga opisyal ng paaralan at ng mga baranggay/bayan o lungsod sa pagtutulungan sa pangangalaga ng kalikasan upang maiwasan ang sakunang dulot ng pagkawasak nito, na ang gagamiting wika ay Filipino.
3. Pagdaraos ng Palatuntunan na ang tema ay nakatuon sa kalikasan.
4. Ganap na paggamit ng Filipino sa mga komunikasyon at korespondensiya.
5. Pagdaraos ng paligsahan sa pag-aayos ng silid-aralan na naghahatid ng mensahe tungkol sa kalikasan.

Agosto 8-14 Wika'y Instrumento sa Pagpapalaganap ng Kamalayan sa Pagbabago ng Kalikasan

1. Pakikipanayam sa mga opisyal ng DENR kaugnay ng kanilang programa sa pangangalaga ng kalikasan.
2. Pagpapalabas ng isang pelikulang dokumentaryo tungkol sa pinsalang hatid ng *Climate Change* (halimbawa, Bagyong Ondoy).
3. Pagpapasulat ng pormal o di-pormal (elementarya at sekondarya) na sulatin at sanaysay (kolehiyo) tungkol sa paksa.
4. Pagtatanghal ng dula-dulaan para sa pangangalaga ng kalikasan.
5. Paghahanda ng slogan na may kaugnayan sa paksa.

Agosto 15-21 Wika'y Mabisang Susi sa Edukasyong Pangkalikasan

1. Pagpapatala ng mga katawagang teknikal na ginagamit sa pangangalaga ng kalikasan.
2. Pagdaraos ng Patimpalak sa pagguhit na ang tema ay may kaugnayan sa pangangalaga ng Kalikasan.
3. Pagsasatao ng ugnayan ng wika at kalikasan.
4. Pagdaraos ng mga talakayan hinggil sa edukasyong pangkalikasan
5. Pagdaraos ng debate hinggil sa epekto ng industriyalisasyon sa kalikasan na wikang Filipino ang gamit na midyum.

Agosto 22-28 Ang Pagpapahalaga sa Wika at Pangangalaga sa Kalikasan ay Pagmamahal sa Inang Bayan

1. Pagtalakay sa klase sa kahalagahan ng wikang Filipino sa pag-unawa sa pagbabago ng kalikasan.
2. Pagtuturo sa sambayanang Pilipino sa pagpapahalaga at pangangalaga ng kalikasan na wikang Filipino ang gamit.
3. Pagbuo ng awiting Filipino tungkol sa pagpapahalaga at pangangalaga sa kalikasan bilang patunay ng pagmamahal sa bayan.
4. Pagdaraos ng Patimpalak sa paggawa ng poster na naglalarawan ng Pilipinas noon at ngayon.
5. Pagtataguyod ng Palatuntunan tungkol sa pagmamahal sa wika at kalikasan.

Agosto 29-31 Wika't Kalikasan Mahalin at Pangalagaan, Biyaya ng Poong Maykapal sa Inang Bayan

1. Pagdisplay ng mga isinagawang patimpalak sa panahon ng pagdiriwang.
2. Pagdaraos ng palatuntunan na nagpapakita ng iba't ibang konsepto ng pagmamahal sa bayan sa pamamagitan ng pagpapahalaga at pangangalaga sa wika at kalikasan
3. Pag-uulat sa iba't ibang gawaing isinagawa kaugnay ng pagdiriwang ng Buwan ng Wikang Pambansa 2010.